

Na osnovu člana 8. Zakona o javnim preduzećima u Federaciji BiH ("Službene novine Federacije BiH", broj 8/05, 81/08, 22/09 i 109/12 ) i Odluke Nadzornog odbora JP Autoceste FBiH d.o.o. Mostar broj NO 1.01-3536-3/18 od 31.08.2018. godine o raspisivanju javnog konkursa za izbor i imenovanje članova Odbora za reviziju JP Autoceste FBiH d.o.o. Mostar, Nadzorni odbor preduzeća raspisuje:

## **JAVNI KONKURS**

### **ZA IZBOR KANDIDATA ZA ČLANOVE ODBORA ZA REVIZIJU JP AUTOCESTE FBiH D.O.O. MOSTAR**

I

Objavljuje se JAVNI KONKURS za izbor i imenovanje kandidata za članove Odbora za reviziju JP Autoceste FBiH d.o.o. Mostar i to:

#### **1. Predsjednika Odbora za reviziju, jedan kandidat**

#### **2. Članova Odbora za reviziju, dva kandidata**

II

Izbor i predlaganje kandidata Odbora za reviziju vrši Nadzorni odbor preduzeća na osnovu provedenog javnog konkursa, a konačnu odluku o imenovanju članova Odbora za reviziju donijet će Skupština.

Mandat izabраниh članova Odbora za reviziju traje četiri godine.

Naknada i druga prava predsjednika i članova Odbora za reviziju uređuju se ugovorom, a na osnovu odluke Skupštine.

Dužnosti Odbora za reviziju utvrđene su odredbama Zakona o javnim preduzećima u FBiH, Zakona o privrednim društvima i članom 41. Statuta JP Autoceste FBiH d.o.o. Mostar:

- izvršiti reviziju polugodišnjeg i godišnjeg obračuna i reviziju finansijskog poslovanja;
- imenovati vanjskog revizora;
- imenovati direktora odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u FBiH nije upoznao JP Autoceste FBiH d.o.o. Mostar sa svojom namjerom da izvrši imenovanje u roku od 30 dana od dana kada je generalni revizor obaviješten u skladu sa članom 27. stav 5. Zakona o javnim preduzećima;
- razmotriti godišnju studiju rizika i plan revizije, u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- razmotriti navedenu studiju rizika i plan revizije i postići sporazum sa generalnim revizorom po pitanju obrade, isključivo u slučaju kada je generalni revizor imenovao direktora odjela za internu reviziju JP Autoceste FBiH d.o.o. Mostar;
- osigurati da odjel za internu reviziju izvrši svoj posao u skladu sa planom revizije;
- osigurati da interne kontrole u JP Autoceste FBiH d.o.o. Mostar budu adekvatne i da funkcioniraju kako je predviđeno;
- podnositi Nadzornom odboru sažete mjesečne izvještaje o svojim sastancima svakog mjeseca;

- konsultovati se sa generalnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje odjela za internu reviziju svake dvije do tri godine;
- osigurati da odjel za internu reviziju obavlja svoje obaveze u skladu sa međunarodnim revizijskim standardima.

### III

Kandidati koji se prijave na javni konkurs treba da ispunjavaju slijedeće uslove:

#### **Opći uslovi:**

1. da je stariji od 18 godina,
2. da je državljanin Bosne i Hercegovine
3. da nije otpušten iz državne službe kao rezultat disciplinske mjere na bilo kom nivou vlasti u BiH (bilo na nivou države ili entiteta) u periodu od tri godine prije dana objavljivanja javnog konkursa,
4. da se na njega ne odnosi član IX. 1. Ustava Bosne i Hercegovine (da nije pod optužnicom Međunarodnog suda za ratne zločine u bivšoj Jugoslaviji),
5. da nije na funkciji u političkoj stranci,
6. da nije član Nadzornog odbora ili Uprave preduzeća niti da ima direktni ili indirektni finansijski interes u preduzeću,
7. da se protiv njega ne vodi krivični postupak,
8. da nije osoba kojoj je presudom suda zabranjeno obavljanje dužnosti u Odboru za reviziju,
9. da nije osuđivan za krivično djelo nespojivo sa dužnošću člana Odbora za reviziju pet godina od dana pravosnažnosti presude.

#### **Posebni uslovi:**

- VSS - visoka stručna sprema VII stepen ekonomskog ili pravnog smjera;
- 5 (pet) godina radnog iskustva u struci nakon sticanja diplome VSS;
- Poželjno posjedovanje sertifikata ovlaštenog revizora (za dipl.ecc.)

### IV

**Prilikom procjene kvalifikacija i iskustva kandidata uzet će se u obzir i slijedeće:**

- sposobnost prepoznavanja, zastupanja i zaštite interesa privrednog društva;
- sposobnost za odgovorno obavljanje dužnosti Odbora za reviziju;
- izražena inicijativnost i neovisnost u radu i donošenju odluka;
- stručno znanje i sposobnost razumijevanja poslovnih izvještaja, poznavanje oblasti računovodstva i revizije, privrednog prava i ukupnog zakonodavstva na području djelovanja Odbora za reviziju;
- preporuke neposrednih rukovodilaca i/ili reference.
- dokaz o radnom iskustvu na poslovima finansija, računovodstva ili privrednog prava.

### V

Uz prijave kandidata koje treba da sadrže: kraću biografiju i CV sa kontakt telefonom i adresom prebivališta, kao dokaze o ispunjavanju uslova javnog konkursa kandidati su dužni priložiti (original ili ovjerenu kopiju) slijedeća dokumenata:

- ovjerenu kopiju CIPS-ove lične karte,
- uvjerenje o državljanstvu,
- uvjerenje da se ne vodi krivični postupak nadležnog Suda,
- potvrdu o nekažnjavanju MUP-a, ne starije od tri mjeseca,
- ovjerenu kopiju diplome,
- dokaz o radnom iskustvu u struci i eventualne preporuke,
- ovjerene pismene izjave kandidata o ispunjavanju uslova iz tačke 3, 4, 5, 6, i 9. općih uslova konkursa.

Traženi dokumenti iz ovog člana ne smiju biti stariji od 6 mjeseci (izuzev u stavu 1. ovog člana u kome se traže dokumenti koji nisu stariji od 3 mjeseca).

Kandidati koji budu stavljeni na listu u uži izbor bit će pozvani na intervju.

Javni konkurs će se objaviti u dnevnim novinama i "Službenim novinama Federacije BiH".

Javni konkurs ostaje otvoren 15 (petnaest) dana od dana posljednjeg objavljivanja.

Prijave sa svim traženim dokumentima dostaviti lično ili putem pošte na adresu:

JP Autoceste FBiH d.o.o. Mostar

Ul. Adema Buća 20

88000 Mostar

sa naznakom: "Komisiji za provođenje javnog konkursa za izbor članova Odbora za reviziju".

Neblagovremene i nepotpune prijave neće biti razmatrane.

Kandidati će biti pismeno obaviješteni 15 dana nakon donošenja Odluke o izboru.

**Predsjednik Nadzornog odbora  
Dobroslav Galić**